



Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Versus VI. Ecce enim in iniquitatibus conceptus sum, & in peccatis
concepit me mater mea.

[urn:nbn:de:hbz:466:1-47773](#)

de ostia, velo fenestras obnube, intimos cubilium recessus pete. Quid totum tibi proderit? An minus fortassis ibi praesens DEUS, quam in foro publico? In omni loco oculis dominic contemplantur bonos & malos. Prov. 15. v. 3. Quod cum ita sit, quocunque demum est loco boni, quocunque est loco mali vocentur ad tribunal Christi, perinde omnino erit. Omni in loco praesentem sibi illum habuerunt, sive cum bene, sive cum male agerent.

VERSUS VI.

Ecce enim in iniquitatibus conceptus sum, & in peccatis concepit me mater mea.

Considera, istud enim esse particulam, quae orationem I. posteriorem cum priore connectit, cuius ea vis est, ut reddat rationem ejus, quod ante dictum est. Jam cœperat ostendere David, DEUM in ferenda de ipso sententia triumphaturum, se vero victum iti: *vinces cum judicaris*: & ad hoc adstruendum, firmamentum adduxerat, quo nullum in hoc genere potentius; ipsius scilicet Judicis in scelere admittendo praesentiam. *Malum coram te feci.* Et tamen ille non contentus, descendit insuper ad hoc demonstrandum ex Praesumptionibus, quae nascebantur ex pravis Rei propensionibus, & idcirco subiecit: *Ecce enim in iniquitatibus conceptus sum, & in peccatis concepit me mater mea.* Praesumptiones istæ, ut verum fateamur, videntur planè esse supervacaneæ. Ubi enim Judici de delicto evidenter constat, de quo ferenda est sententia, quid ipsi Praesumptionibus opus est, ut recte judicasse demonstretur? Praesumptiones substituuntur, cum desunt argumenta cer-

D 3

ta, &

ta, & in dubiis probationem faciunt nunc plenam, nunc semiplenam, prout magis minus ve fortes sunt. Quidquid tamen de hoc sit: noverat David ad consequendam a DEO misericordiam non esse rationem magis aptam, quam se magis magisque Reum convictum palam facere. Non censuit proinde sibi utendum normam, nostrate in foro usitatam. Evidentiae delicti, quamquam ad damnandum ipsum plus quam sufficienti, voluit, si aliud non posset, Præsumptiones saltem addere, & Præsumptiones quidem omnino firmissimas; dum fassus est, se ita proclivem ad malum, ut mali esset planè nihil, quod non de ipso credi confessim posset. O felices illos Peccantibus, qui in hoc David secunduntur! Iste enim verò viam invenerunt optimam placandi DEUM. Quid juvant excusationes coram illo, coram quo sola valet fui accusatio? Propter nomen tuum Domine propitiaberis peccato meo; multum est enim. Psal. 24.

v. 11.

II. Considera, duplex fuisse malum, de quo ipse erat judicandus, ut superius indicatum est, malum peccati respectus sui, & iniquitatis, respectu Proximi. Recte procul dubio tu (pergit dicere ad DEUM David) recte vices cum judicaveris. Quæ enim Præsumptio peccati & iniquitatis non militabit contra me, cum in peccato ego conceptus sim, & conceptus sim in iniquitate. Ecce enim in iniquitatibus conceptus sum, & in peccatis concepit me mater mea. His verbis necesse est illum intellexisse vel peccatum originale, in quo eum patentes sui genuerint, vel peccatum actuale. Non potuit autem intelligere peccatum actuale, ut pote natus thoro legitimo. Igitur Originale peccatum intellexerit oportet. Atque hoc præ alio quovis potens erat

erat ad adstruendum quod volebat. Nullum enim peccatum actuale, quantumcunque enorme, quo, in ipso generando, se parentes obstrinxissent, transfudisset in illum propensionem eam tam pravam, quam in atroci suo facinore ostenderat; hæc ab Originali in ipsum promanavit. Et ratio est; quia possunt quidem homines generare problem ejusdem secum speciei, hoc est similem in omnibus, quæ ad communem cum ipsis naturam humanam pertinent, ut est peccatum Originale, quod idcirco *languor nature* dicitur; non tamen possunt generare sibi similem in individuo, in illo nimis, quod est proprium personæ ipsorum, ut sunt maximè actus, qui à libero arbitrio proveniunt, sive boni isti, sive mali sint.

Igitur ut redeamus in semitam: en quam Præsumptionē omnis peccati, & omnis iniquitatis in se, quantumcunque hæc essent enormia, David adduxerit; esse nimis, se conceptum in illa perturbatione, quæ est fons omnis iniquitatis, & omnis peccati. Hinc etsi peccatum Originale non nisi unicum sit in singulis hominibus, juxta illud *Ecce Agnus DEI, ecce qui tollit peccatum Mundi.* *Io. i. v. 29.* Non tamen locutus de illo est David numero singulati, sed plurali, tribuendo ipsi nomen multorum; cum re vera multorum ipsum fons sit & origo, imò omnium. *Ecce enim in iniquitatibus conceptus sum, & in peccatis concepit me mater mea.* O egregiam igitur artem persuadendi, ut facile habeamur Rei, etsi accusationes contra nos in medium allatæ parùm firmæ essent! Quid igitur erit, quando ilæ firmissimæ sunt?

Considera, quod, cum Peccatum Originale, de quo hic sermo, sit pravitas omnibus generatim mortalibus communis, non videatur idcirco potuisse à Davide adduci III.
quam

quam Præsumptio sufficiens ad ipsum in particulari reum adstruendum: secus enim si esset, quis non videt hominem quemcunque, quamlibet eminenti Sanctitate, posse in iudiciis præsumi reum cuiuscunque adulterij, cuiuscunque homicidij; cum ipse perinde, ac mortalium ceteri, conceptus sit in tam perversa propensione, qualis est hæc, quæ noxæ originariæ poena est? Sed adverte solerter, & videbis tum locum fore huic in alteram partem argumento, si Judex contra Reum Præsumptione tali uteretur; non vero si Reus ipse Judici illam proponat.

Locus esset arguento, modò allato, si Judex uteretur Præsumptione contra Reum; quia Judex non potest unquam judicare, imò ne suspicari quidem, quod quis sit reus ullius sceleris admissi, ex eo duntaxat, quia ille conceptus est in peccato; neque unquam hoc ex capite progredi potest ad ipsum torquendum, quantumvis moderate, imò ne quidem ad ipsum capiendum, aut carcere constringendum. Aliter se res habet, si Præsumptionem ejusmodi in meditum afferat coram Judice reus, de admisso scelere sincere dolens. Reus, qui probè novit, quām intus apud se perturbata sint omnia, ob eam, quā facultates ceteræ voluntati, voluntas autem Rationi, Ratio D E O repugnat, perduellionem, quām non infirmum inde sumit argumentum credendi de se pessima quæque, & apertè profitandi?

Verum quidem est, quod hac ex perduellione nullum homo possit argumentum sumere de admisso à se re ipsa peccato aut iræ, aut fœdæ libidinis, aut superbiæ, aut quo-cunque alio, quando ipsi constat, rem se aliter habere. At cum dubius est, facillimè propendere potest ad credendum, se deliquisse, cum in se ipso contra se ipsum habeat Præsumptionem ex perversitate congenita. Cum autem certum

certum est peccatum, potest etiam, imò debet facillimè propendere ad credendum firmiter, non alteri quām sibi mali illius culpam adscribendam. Non est illa adscribenda pravis Sodalibus, non Superioribus parùm prudentibus, non Servis importunis, non malis Dæmonibus molestè impellantibus, sed soli & uni homini, qui suâ se Concupiscentiâ passus est induci ad malum quod patravit: *Concupiscentia subvertit cor tuum. Dan. 13. v. 56.* Vides igitur, quid in delicto à se admisso fecerit David? Non consultit culpam in pulchritudinem feminæ, quæ fuit petra scandali; non in incutitam ejus agendi rationem, quâ ipsam non puduit lavari loco aliotum oculis exposito; non in facilitatem, quâ ipsa cessit petitioni nefariæ & inconsultæ; non in alteram quamcunque in DEI oculis frivolam rationem: uni illam sibi attribuit: *Dixi, confitebor adversum me iniquitatem meam Domino. Psal. 31. v. 5.* Noverat enim perbene, habere se intra semetipsum omnem veram totius mali originem. *Mulier longè, libido propè. Alibi erat, quod videret, in eo unde caderet. S. August. in Psal. 50.* Cur igitur tu modo tam diverso te geris, qui semper in alios culpam conjicis mali quod perpetras?

Considera, quām latus sit iste campus, qui se aperit, IV.
ad vivendum in perpetua sui abjectione: Si nimirum profundè in te ipsum descendas, & ibi contempleris, quòd modò dicebamus; esle intra temetipsum totam originem omnis mali! *Humilitatio tua in medio tui. Mich. 6. v. 14.* Et ô originem inexhaustam, & semper scaturientem! Etsi enim Gratiâ Baptismi acceperis veniam totius culpæ, quæ inest noxæ Originariæ, multum tamen relictum fuit illius, quod eadem noxa secum fert pœnæ, & hæc est illa Lex formatis, quæ idcirco Lex dicitur, quia non excludit quem-

E

quam

quam (nisi per privilegium prorsus singulare) est tamen lex pœnalis, quæ consistit in pugna quadam perpetua carnis contra spiritum: *Sentio aliam legem in membris meis repugnantem legi mentis meæ, & captivantem me in lege peccati.* Rom. 7. v. 23. Duplex idcirco effectus est, qui inde in te nascitur: Summa quædam renitentia contra bonum, quod à te D E U S exigit, & summa propensio ad malum, quod tibi prohibet. Perpende igitur, an non hoc utroque ex capite habeas, unde abjectè de te sentias? Si D E I adjutorium deesset, quæ tandem fors tua foret? ecquid tandem boni faceres ex te solo? imò quid mali non faceres? Initio numerum, si potes, propensionum pravarum, quæ te infestant, Ambitionis, Fastūs, Gulæ, Intolerantiae, Invidiæ, Avaritiæ, Acediæ, Impudicitiæ, & inde quod res est colleges. Objice animo ferarum septum amplissimum, in quo stabulantur Ursi, Lupi, Leones, Tigrides, Pardi, Pantheræ; nec tamen quidquam ulli nocent. Cogita autem pandi alicubi septum, unde solùm exitus ipsis pateat. O quām tum omnes, secutæ naturæ suæ impetum, turmatim prorumpent hanc illac ad fruendum libertate obtentâ! Quæ belluinas tuas propensiones regit ac frenat, D E I tui gratia est, quæ præcipue obsistit, ne impetu suo proruant, facitque ut frustrentur conatu, quo ad libertatem non debitam aspirant. *Salvator ponetur in ea murus & antemurale.* Jf. 26. v. 1 Murus, Gratiâ interiore, Antemurale Gratia exterrâ. Tolle hunc obicem, ut potes, si vis; ô te infelicem! quò non illæ crumpent?

Atque hoc est, quod te semper non humilem modò, ut dictum est hactenus, sed trepidum etiam servare potest. Lex enim Fomitis vitæ nostræ oti coæva est (quæ hanc etiam causâ Lex dicitur, ut differat ab iis decretis ac statutis, quæ certo

certo tantum tempore durant) & quamquam operâ abnegationis sensim frangantur vires tyrannidis istius miseræ, quâ nos subiectos tenet, nunquam tamen penitus, nisi cum vita, vires omnes amittere. Quamdiu proinde anhelitum reciprocas, tamdiu timere temetipsum debes. *Serva timorem Domini, & in illo veterasce. Eccl. 2. v. 6.* Et si quis eum tuum timorem miratur, irridet, & quærerit, quid tandem metuas? repone confessim: *Ecce enim in iniquitatibus conceptus sum, & in peccatis concepit me mater mea.* An non hæc sufficiens est trepidandi causa hominibus etiam Sanctissimis? *Non est peccatum quod faciat homo, quod non possit facere alter homo;* Et cur istud? quia omnes ex eodem fragili luto facti sumus.

Considera, quæ fuerit causa, ob quam, cùm in peccato se conceptum asserere David vellet; dixerit *in peccatis concepit me mater mea.* Ut ad amissum loqueretur, videatur potius dicere debuisse *Pater meas;* Originaria siquidem noxa in nostrum quemlibet Patris, non Matris culpâ transfunditur. *Peccatum originale non contrahitur ex Matre, sed ex Patre.* S. Th. 1. 2. q. 48. a 5. Transfunditur ex Patre, quia Pater ille est, qui respectu nostri fungitur vice Adami, in quo peccavimus, tanquam descendentes, in Capite: non transfunditur ex Matre, quia respectu nostri Mater pro Eva est, in qua non peccavimus. Ut quid igitur dicitur *Mater mea?* Ut quid dicitur? ad adstruendum id, quod Davidi erat propositum. Propositum erat Davidi (ut ostensum est hactenus) ostendere se propensissimum ad malum. Consistit porro hæc ad malum propensio non in eo, quod peccatum originarium habet de culpa: consistit in eo, quod hoc peccatum habet de poena, quod est illa carnis contra Sp̄itum pugna perpetua. *Igitur ego ipse mente*

mente servio legi DEI, carne autem legi peccati. Rom. 7. Cur igitur existimes Davidem rectius fuisse dictum *Pater meus*, quam *Mater mea*? Verum est, noxam originariam à Patre transfundi, sed transfundi secundum id quod in eo de culpa est. Super hoc autem David non potuit fundare illam contra se Præsumptionem; jam enim culpæ veniam in Circumcisione acceperat, quæ est Baptismi Symbolum. Solùm illam fundare poterat in eo, quod peccatum illud habet de poena, quæ etiam oblitterat culpat perseverat, in carnis inquam indomitæ petulantia. Quis autem nescit, indomitam hanc & petulcam carnem nostram magis à Matre, quam Patre, nobis obtingere? atque hæc causâ tanto ad rem aptius voluit dicere David in peccatis concepit me *Mater mea*, quam *Pater meus*. O te beatum, si eò progressus fueris, ut te assuefas ad præsumendum de te pessimum, quod possis, & ad id profitendum! Et verò jure id semper feceris, quamdiu mortales has exuvias circumfers, illas inquam infectas exuvias, quibus te non minùs, quam alium quemvis, Mater tua circumdedit.

VERSUS VII.

Ecce enim Veritatem dilexisti: incerta & occulta Sapientia tua manifestasti mihi.

I. **C**onsidera, Davidem ad placandum certius DEUM ratum fixumque habere, nihil penitus ad se purgandum afferre, sed tantum ad accusandum; cum perget magis magisque se reum demonstrare ita aperte convicatum, ut penitus nihil ipsi supersit, quo recipiat se, nisi ad principio statim imploratas miseraciones DEI, nullis terminis